

散曲叢刊  
第十二種

清人散曲

冊二

江山風月譜散曲自序

漢魏樂府降而六朝歌詞情也。再降而三唐之詩。兩宋之詞。律也。至元曲。幾謂里言誹語矣。然張小山喬夢符散曲。猶有前人規矩。在儷辭追樂府之工。散句擷宋唐之秀。惟套曲則似涪翁俳詞。不足鼓吹風雅也。予心好之。情之所宣。每爲邯鄲之步。然音律未爛。其聲之高下。不入格者。當復不少。然第寄意云耳。於聲律固不計也。得數十首。遂彙而錄之。並題其端云。

清人散曲選刊四目次

江山風月譜散曲

黃鐘

人月圓

題胡心農列翠樓印譜

正宮

醉太平

塞鴻秋

題人采菊圖

小梁州

仙呂

賞花時 二首

南呂

閱金經

燭花

題一清僧照

四塊玉

玉交枝

霧淞

中呂

紅繡鞋

雨後

無題

滿庭芳

無題

二首

下花種

普天樂

無題

題張墨林照

山坡羊

朝天子

賣花聲

無題

胡心農戲作燈影

上小樓

雪霽

商調

梧葉兒

聞鄰家吹瑯

越調

小桃紅

題畫

無題

柳營曲

無題

送費曉樓歸苕溪

凭闌人

天淨沙 二首

雙調

水仙子

無題

生沐屬寫水仙

海棠

無題

木香煎酥

無題

壽王兩樵母

聽雪

清江引

折桂令

無題 二首

題桐陰小隱圖

並蒂蘭

湖上

慶東原

碧玉簫

殿前歡

湖上

落梅風 三首

沉醉東風

撥不斷

以上共小令五十二首

附原書次序

各系由文首二字以爲別

水仙子

綠羅

小桃紅

輕紅

柳營曲

宵漏

水仙子

凌波

醉太平

十二漏

紅繡鞋

石燕

滿庭芳

芭蕉

清江引

松濤

折桂令

薔薇

滿庭芳

綠陰

慶東原

雲低

梧葉兒

綠陰

碧玉簫

高樹

紅繡鞋

間庭

殿前歡

概頭

塞鴻秋

嬾嬾

閨金經

絳蠟

水仙子

紅蟬

折桂令

躑躅

普天樂

雨聲

水仙子

隈邊

山坡羊

薔薇

賞水落撥賞水沈折水普小滿凭閱落  
花仙梅不花仙醉桂仙天梁庭闌金梅  
時子風斷時子東令子樂州芳人經風

脫空寒朔蛾岸小看不雨碧珠榆入新  
絮江威風綠邊閣湖教意羅泉莢定涼

小上賣賣水玉朝天四折入天折落柳  
桃小花花仙交天淨塊桂月淨桂梅營  
紅樓聲聲子枝子沙玉令圓沙令風曲

金寒黃鷄邊雪夜綠龍問梅絲只蕉鵲  
貌光梅哥雲車闌陰縮芳花絲桐窗水



清人散曲選刊四

江山風月譜散曲

許光治撰

江都任訥中敏編訂

黃鐘

人月圓

題胡心農列翠樓印譜

梅花香裏冬心淡。金鴨漏初中。一編把似新題列翠樓。  
舊意飛鴻。雕鏤刻畫。翻新竹素。泥燦芝紅。長年笑我。  
未忘結習。辛苦雕蟲。

正宮

醉太平

十二分煙月。百六日韶華。東風催趁一年花。問春光  
能幾家。紫綿深海棠梨暈。綠羅輕露芭蕉破摺。翠

絲長水楊柳垂下。索從頭看此。

塞鴻秋

題人采菊圖

蟬游祇作昏朝計。螻蛄豈識春秋意。螭螟局促人間世。蟲魚瑣屑書生事。龍頭翰墨場。燕領功名志。笑東籬未必淵明是。

小梁州

碧羅團扇戀新秋。庭院清幽。空階時見一螢流。青如豆。風閃墮簾鉤。月光淡。醅鵝兒酒。轉花陰移上高樓。黑暗中。黃昏後。玉簪香透。誰與當搔頭。

仙呂

賞花時

蛾綠山光橫黛橫。鴨綠湖波明鏡明。喜天色放新晴。

奈碧雲紅樹。猶有鷓鴣聲。

又

脫絮迷漫垂柳梢。脫錦鱗斑叢竹苞。又庭院綠陰交。  
怪呢喃燕子。猶是定新巢。

南呂

閱金經

燭花

絳蠟銀荷擁。翠盤金粟叢。一穗和煙暗綺櫳。紅蘭心  
雙玉蟲。垂花重。繡幃佳氣濃。

題一清僧照

入定忙功課。出塵閑過活。不動如如學古佛。哦無生  
參透麼。團瓢破。此時誰是我。

四塊玉

龍綃霧帳單。鸞綾繡被寒。燕語鶯啼夢初闌。蝶痴蜂  
癡春過半。向曉看。芍藥闌紅未殘。

玉交枝

霧淞

雪車冰柱。問舊日吟情何處。寒梅本自無多樹。竟粧  
成千萬株。梁塵白閃銀溜鬚。簾旌粉點瓊飄絮。多做  
成瑤臺玉宇。更誰知茅檐蓬戶。屑石敷碾粉塗曉色  
頓然殊。憶飯甕古諺辭。拈霧淞新詩句。碧釀暖斟曉  
寒。紅爐熾添宵炷。報豐年隔歲儲。

中呂

紅繡鞋

雨後

石燕飛還。綠野黛螺。洗出青山。暮靄鐘聲有無間。雄

雷天鼓歇。雌霓霓。帝弓彎。喜新晴。剛到眼。

又

媚媚新篁乍展。陰陰高樹初齊。庭院深沉乳雅啼。花光當檻動。香篆出簾低。午窗風又起。

滿庭芳

薔薇檻亞。荼蘼徑仄。芍藥闌斜。春紅都被東風嫁。細數韶華。梅雨波添釣槎。麥風晴送田家。邨莊話聽來不差。小滿動三車。

又

綠陰野港。黃雲隴畝。紅雨村莊。東風歸去春無恙。未了蠶忙。連日提籠採桑。幾時荷鋤栽秧。連枷響。田塍夕陽打豆好時光。

下花種

珠泉瀉珠。銀花碾粉。翠竹書牌。三秋花事。今朝在一  
種親栽。祝小白長紅。盡開待輕黃。淺碧齊胎。闌干外  
香安豔排。端整好秋懷。

普天樂

雨聲中。韶光晚。餘香戀蝶。碎錦飛鴛。芳情寄日疎。好  
景隨春遠。落盡殘紅。成秋苑。耿東風滿地無言。深深  
閉門。茶煙白晝。花霧黃昏。

題張墨林照

雨意闌。春情悄。詩吟白苧。字寫紅蕉。花叢見舞蝶。葉  
底閑歌鳥。更賞尚書新詞料。又東風紅杏花朝。還須  
畫着珠排荆樹。翠茁蘭苕。

山坡羊

薔薇早卸。玫瑰又謝。春歸纔信春無價。紅雨歇。綠陰

遮東風冷落銀屏夜。燒燭有人憐歲華。蝶猶戀花。蝸空篆葉。

朝天子

夜闌夢殘。又早是三更半。一枝花影轉闌干。明月臨窗畔。蠟淚紅乾。麝臍碧散。燭花攢香。燼寒大難。但看來點鼠翻書案。

賣花聲

鸚哥嘴露輕紅。啅鳳子腰爭膩白。嬌雀兒羽展嫩黃。描高樓畫閣。曉眼初覺。一聲聲喚將春到。

胡心農戲作影燈賦此

黃梅葉老金堪嵌。萊蕪根肥玉試劔。縹麻梗直壁爭銜。一燈鏡檻南。油光滅絕勝他碧。紗籠淡。

上小樓

雪霽

寒光滿霧晴暉載露。霽雪晶瑩。朝陽四注。不數蓬壺。岸旁榆水邊梧。瓊瑤相屬。便粧成玉梅萬樹。

商調

梧葉兒

聞鄰家吹瑳

閑庭悄。夜氣清。何處發新聲。鳳軫移瓊瑟。鸞簧度玉笙。雁柱按瑤箏。渾不似風前細聽。

越調

小桃紅

題畫

輕紅一樹小桃花。早把東風假。膩粉凝脂總無價。燕飛斜。呢喃共說春朝話。烏衣舊家。紅襟新社。相賞好。



韶華

又

金猊小爇水沉檀。繡戶香風散。睡起清涼自無汗。捲簾看。星河絡角天將日。團花畫闌。流蘇香慢。珍重早秋寒。

柳營曲

宵漏闌。宿香殘。曉來有人憑畫欄。花霧紅乾。竹露蒼溥。陡地做春寒。廿四回芳信更番。九十天花事留難。絮遲隄柳卸。綿約海棠攤。拚一醉酒杯寬。

送費曉樓歸苕溪

鷓鴣水涯。又分岐。此番未妨輕別離。桂子香吹。西子湖湄。相見訂秋期。已成陰送行楊柳。烟絲乍含胎繫情。芍藥風枝。烏聲催杜宇。芳事數當歸。到家遲。猶及牡

丹時

凭闌人

榆筴賒春驕貨泉。柳帶禁寒貪乞棉。沈郎私鑄錢阮  
生新折絲。

天淨沙

絲絲柳未藏雅。枝枝桃已蒸霞。一笠東風影下。老漁  
歸也。春來嬾散生涯。

又

綠陰門巷停車。碧雲庭院棲雅。柳絮剛剛飛罷。時光  
初夏。新棉又裹桐花。

雙調

水仙子

綠羅雲捲芰荷烟。紅錦霞舒菡萏天。怪西風不到閑

庭院。畫簾開。清簟展。北窗誰買高眠。拚不棄班姬扇。  
怕重張河朔筵。問新涼知在誰邊。

生沐屬於十三行帖後寫水仙題此

凌波步襪玉生塵。翦水銖裳翠展春。臨風舞帶香留  
暈。好丰姿偏瘦損。是誰傳洛浦精神。石墨寫官奴韻。  
丹青摹子固真。對花枝強似仙人。

海棠

紅綿繡鳳撲華鉛。紅錦回鸞散舞錢。紅絲顫雀翹粧  
鈿。過清明百六天。畫牆低何處秋千。宿粉暈流霞炫。  
明姿洗垂露鮮。是花中第一神仙。

又

隄邊樹色辨陰晴。花外蟬聲管送迎。人來團扇風前  
影。相將偶出城。背夕陽湖上閑行。水翠涵明鏡。山螺

列畫屏。問柳洲。何處啼鶯。

木香煎酥

不教簪朶捧銀翹。不許瓶枝鞦韆玉窰。香油菜子初收。稻記牆頭萬萬條。喜登盤遠勝題糕。啞粉學蜂兒鬧。噲香賽蝶子嬌。好風情齒頰難消。

又

岸邊細草碧瑤簪。溪上長松綠玉針。岩前瘦石青珊瑚。畫船移波滄滄。釣絲長。風力難禁。淡暮靄蒼茫嶺。宿溪烟白薄陰。似明湖湖墅園林。

壽雲騎尉安吉守備王兩樵母節孝謝

太恭人

遏雲鞠部紫琅璈。泛雪椰樽碧玉醪。明霞芝蓋紅珠葆。奉安輿開畫閣。聽臚歡騎將弓刀。進棗尉安期棗。

熟桃城方朔桃羨春暉王謝門高

壬子十二月初七夜聽雪

空江殘月蟹行沙。淺埳迴潮蟻散衙。平筐靜夜蠶食  
葉。小窗中人聽雪。折迴風滿地飄灑。暝銀葉斑消鷓  
節。燕銅荷紅凝蠟華。早陡驚一分寒賒。

清江引

松濤不住閑庭午。颯颯風如雨。銅瓶泛淺花。玉盃浮  
輕乳。小窗一甌人避暑。

折桂令

芭蕉綠上窗紗。日日梅風。落盡餘花。且門鎖葳蕤。闌  
開綠曲。簾捲丫叉。深碧垂楊。乳雅叢青。芳草鳴蛙。又  
換韶華。煮蘭香中。處處縑車。

又

一 珍傲宋版印  
趨東風已是清明。聽陌上吹簫。又賣春錫。早淺碧藏  
雅。輕紅蹴燕。深綠啼鶯。人面寫桃花。小影客愁傳楊  
柳新聲。遊冶心情。寶馬銀鞍。翠轡珠駢。

題桐陰小影圖

只桐陰消受清華。烟雨簾旌。風露窗紗。在爨心情。孤  
生韻致。據稿生涯。但擡手邀明月。清秋坐花。更科頭  
趁涼風。溽暑評茶。小隱堪誇。富貴營蠅。名利爭蝸。

並蒂蘭

問芳華誰似同心。有比目文魚。比翼文禽。看貼跗娟  
娟。聯苞扣扣。儷葉深深。插花朶稱雙頭玉簪。繡花枝  
要連理金針。幽夢重尋。豔匹紅蕤。香侶黃沈。

湖上

看湖頭急雨瀟瀟。早烟冪林扃。雲布山椒。浪未銀翻。

泉遲玉瀉波已珠跳。遊女去香車翠輅。貨郎歸畫鼓  
錫簫。最是魂銷。無恙東風。棟子花梢。

慶東原

雲低字。風滿廬。陰晴天氣商量雨。林雅新乳。桑鳩剩  
語。梁燕剛雛。人困也。日初長。花謝了。春歸去。

碧玉簫

高樹亭臺。深碧好風來。淺草庭階。平綠斷烟開。小簾  
權一字排。曲闌干。已字迴。晴弄色。蕉影紗窗外。纔春  
去也。人無賴。

西江月 殿前歡

湖上

檝頭船。劃開雙槳。鏡中烟。船唇弄水。瓊珠濺。櫂轉渦  
旋。望天光。四岸懸。看地勢。孤城轉。指人影。中流見。湖

山圖畫。雲水因緣。

落梅風

新涼早。庭院虛。聽瀟瀟。豆花疎雨。晚來絡絲蟲獨語。  
問西風。又來何處。

又

蕉窗外。苔砌砌。錦爛熳。粉濃香鬧。朝來嫩寒人未曉。  
廿一番柳花風到。

又

寒威重。朔氣加。莽長空。墨雲重疊。曉來早驚風四野。  
繞柴門。亂堆黃葉。

沉醉東風

小閣深深芙蓉幔。遮網戶。沉沉翡翠簾斜。鐘鳴曉色。  
催鼓歇。寒燈炮。早千門日出啼雅。頻夢到西湖處士。



家小梅花昨宵開乍。

撥不斷

朔風賒亂雲遮。平林落雁書重疊。古樹棲烏墨整斜。  
野田飢雀聲高下。釀來微雪。

江山風月譜散曲

清人散曲選刊五目次

香銷酒醒曲

套數

南南呂香徧滿

春曉

南仙呂忒忒令

對月有感

南商調梧桐樹

葬花

南商調黃鶯兒

拜月

南商調梧桐樹

豔情

南仙呂入雙調步步嬌

雜感

南南呂懶畫眉

寫愁

南商調二郎神

雨窗排悶

南仙呂入雙調步步嬌

溯湖訪舊園

南北仙呂入雙角合套

葛秋生橫橋吟館圖

南商調二郎神

謝文節公遺琴

小令

一半兒

青梅

前腔

偶成

駐雲飛

沈醉

懶畫眉

籤詞

前腔

籤詞

黃鶯兒

籤詞

桂枝香

連日病酒填此戒酒

前腔

復飲解嚙

駐雲飛

冬日早起

香齋

蘇人譜

清人散曲選刊五

香銷酒醒曲

仁和趙慶禧秋於撰江都任訥中敏校訂

套數

南南呂香徧滿

春曉

海棠風小日映銀屏影亂搖好箇沒人兒庭院悄展  
紅綃熏篝宿火消金爐寶篆燒約摸著辰牌了

〔懶畫眉〕梨花夢醒粉痕銷雙燕文梁自壘巢水晶  
簾子一鉤挑簾外鸚哥叫他爲鎖雕籠罵絮叨

〔二犯梧桐樹〕風簷鐵馬敲水漏銅龍曉人立妝臺  
輕揭菱花套這些時螺鑽門啓連環鉸不多時鴛浪  
衾堆一尺潮早聽得鬢兒瑣碎低聲報說昨夜平階

有落花多少。

〔浣溪紗〕游絲裊飛絮飄嫩池塘彎環小橋婀娜趁楊柳紅樓靠。摺疊闌干赤石雕塵不到。卻纔梳罷雲鬢出綺寮。好晴天今日花朝。

〔劉潑帽〕軟苔凹淺印鞋弓。俏薄羅衫兩袖輕飄。只見小花檐三尺倚牆高。斜刺裏露紅縵。有一架秋千吊。

〔秋夜月〕花影描繡幅窗紗。橐清晨呵袖餘寒峭。漸風和日暖聽啼鳥。畫眉兒剛曉。畫眉人忒早。

〔東甌令〕泥金扇玉腕搖。覷他胡蝶沿堦撲。又逃寶釵兒鬪罷南園草。纖手把茶藤拗。更詩牌險韻賭分曹。姊妹一雙邀。

〔金蓮子〕酌蒲萄。滴珍珠。卯酒玻璃倒。卻似睡足脂

痕暈臉潮。驀地裏是誰家隔花陰。吹起一枝簫。

〔尾聲〕香車寶馬湖山關。惟有那綠窗人悄。小語春風弄剪刀。

南仙呂忒忒令

對月有感

熱紅塵無人解愁。冷黃昏有儂生受。團空月亮照心兒剔透。把一個悶葫蘆恨連環呆思想。問誰知道否。

〔沈醉東風〕悶嫦娥青天上頭。憾書生下方搔首。雲影淨露華流。中庭似晝。開蟲聲新涼時候。星河一周。

光陰不留。銀橋碧漢。又人間盡秋。搔首原作搔首。據詞餘叢話改。

〔園林好〕想誰家珠簾玉鉤。問何人香衾錦綉。恁年少虛空孤負。無賴月是揚州。無賴客是杭州。

〔嘉慶子〕九迴腸生小多軟。就把萬種酸情徹底兜。

空向西風談舊事。杜若採扶留。悲薄命。怨靈修。

〔尹令〕廿年前胡牀抓手。十年前書齋回首。五年前華堂笑口。一樣銀河。今日無情做淚流。

〔品令〕浮生自思。多恨事難酬。花天酒地。還說甚風流。參辰卯酉。做了天星宿。江湖席帽。三載阻風中。酒只落得下九初三。二月子彎弓照女牛。

〔豆葉黃〕清高玉宇。冷淡瓊樓。再休提霧鬢雲鬟。再休提霧鬢雲鬟。那裏是烏紗紅袖。生涯疎放。天涯浪游。博得個花朝月夕。博得個花朝月夕。消受了夢魘情魔。酒困詩囚。

〔月上海棠〕歸去休。一齊放下。誰能數算山河現影。石火波瀾。哭青天淚眼。三秋懺青春香心。一縷蒲團叩。廣寒宮何處回頭。



〔玉交枝〕癡頑生就闖名場詞勾利勾瑤臺一陣罡  
風陡吹落下魂靈滴溜寒簧仍在月宮留吳剛不合  
凡塵走一年年新秋暮秋一年年新愁舊愁

〔玉胞肚〕飛螢似豆撲西風羅衫亂兜看玉階景物  
清涼話碧霄兒女綢繆我吹笙卻待倚紅樓只怕仙  
山不是綠

〔二月海棠〕銀匣重開真難得團圓又問何年怎樣  
寶鏡飛丟他愁兔兒搗碎長生白蟾兒跳出清虛走  
紅橋侶鶴馭儔有箇人無賴把紫雲偷

〔江兒水〕自古歡須盡從來滿必收我初三瞧你眉  
兒鬪十三窺你妝兒就廿三覷你龐兒瘦都在今宵  
前後何況人生怎不西風敗柳

〔川撥棹〕年華壽但相逢杯在手要今朝檀板金甌

要明朝檀板金甌。莽思量情魂怎收。悵良宵漏幾籌。剔銀缸夢裏求。

〔尾聲〕夢中萬一鈞天奏。舞霓裳仙風雙袖。我便跨上青鸞笑不休。

南商調梧桐樹

葬花

堆成粉黛塋。掘破胭脂井。檢塊青山。放下桃花觀。名香蕪至誠。薄酒先端整。兜起羅衫。一掬泥乾淨。這收場也。算是羣芳幸。

〔東甌令〕更紅兒誅。碧玉銘。巧製泥金直綴旌。美人題着名和姓。描一幅離魂影。再旁邊築個小愁城。設座落花靈。

〔大聖樂〕我短鋤兒學荷劉伶。是清狂非薄倖。今生

不合做司香令。黃土畔。叫卿卿。單只爲心腸不許隨。  
儂硬。因此上風雨無端替你疼。一場夢醒。向衆香國  
裏。涅槃廝稱。

〔解二醒〕收拾起風流行徑。收拾起慧業聰明。收拾  
起水邊照你娉婷影。收拾起鏡裏空形。收拾起通身  
旖旎千般性。收拾起徹膽溫和一片情。荒墳冷。只怕  
你枝頭子滿。誰奠清明。

〔前腔〕撇下了燕鶯孤另。撇下了蝴蝶伶仃。撇下了  
青衫紅淚人兒病。撇下了酒帳燈屏。撇下了蹄香馬  
踏黃金鐙。撇下了指冷鸞吹白玉笙。難呼應。就是那  
杜鵑哭煞。你也無靈。

〔尾聲〕向荒阡澆杯茗。替你打個圓場證果成。叮囑  
你地下輪迴莫依然薄命。

南商調黃鶯兒

拜月

悄悄正昏黃。閉紅紗六扇窗。月兒推出團圓樣。珊瑚  
寶裝。瓊瑤鏡光。剛剛照着晶簾上。上滅銀釭。平頭髻子  
人罷晚梳妝。

〔前腔〕小步出蘭房。拜嫦娥一炷香。沒人庭院心兒  
放。周圍苑牆。高低畫廊。彎環卍字闌干擋。靠西廂。枝  
枝楊柳矮罩小池塘。

〔前腔〕金鴨篆烟長。拜嫦娥兩炷香。玉釵兒輕撥爐  
灰颺。秋波兩睂。潮痕兩龐。把如山心事從頭講。小屏  
張。今朝十五。銀燭點雙行。

〔前腔〕綠袖振明璫。拜嫦娥三炷香。深深叩倒紅氍  
毹。上衫兒海棠。裙兒鳳凰。玉尖輕合蓮花掌。薄羅裳。北

風衣帶吹起兩鴛鴦。

〔琥珀貓兒墜〕夜深人靜。小語驟呼娘。問恁的傳來  
竊藥方。長生何處搗瓊漿。迷藏不信那奔月梯兒。萬  
丈多長。

〔前腔〕夜深人靜。小語漫呼郎。綰袂憑肩白似霜。弓  
弓站立小鞋幫。提防須識那伶俐鬟兒。竊聽迴廊。

〔前腔〕願儂月裏作箇小寒簧。管領仙班法曲商。紫  
雲一曲舞霓裳。商量還要把蟾影無單。兔影成雙。

〔前腔〕願郎月裏作箇小吳剛。偷斫清虛桂樹香。手  
擎玉斧跨虹梁。推詳還要似蟾戀瑤宮。兔戀銀釘。

〔尾聲〕銅壺漏箭丁冬響。早羅袖擡風玉指涼。兀自  
呆看那花影重重繡粉牆。

南商調梧桐樹

豔情

簾波映日紋。花雨紅成陣。人立妝臺。不語看調粉。金籠宿火熏。繡被餘寒困。廊下鸚哥。報道東風緊。鏡中人彩筆橫三寸。

〔東甌令〕鵝屏展獸銅溫。小界烏闌寫洛神。碧紗窗裏天然韻。還小語憑肩問。柔音顫響叫真真。一幅海棠魂。

〔大聖樂〕我酌雞缸兩盞微醺。理瑤絃調玉軫。病相如細看文君鬢。留密誓證花神。就是我身如沉水香。烟燼情願你手撥爐山日夕熏。小名細認把連環篆刻水晶雙印。

〔解二醒〕我看你眉兒峯暈。我看你臉際霞紋。我看你眼波秋水剛盈寸。我看你檀口脂痕。我看你葱枝

翠袖雙鸞印。我看你藕覆紅鉤百蝶裙。如何近。便是我書生福厚也折三分。

〔前腔〕我把你腸輪牽引。我把你心坎溫存。我把你仙娥下界凡人認。我把你繡佛香焚。我把你無瑕碧玉胸前搵。我把你如意紅珠掌上擎。我心還恨恨不似魚兒比目。生個雙鱗。

〔尾聲〕步花陰。閒消悶。指池內鴛鴦是化身。笑煞那野水的鳧雛。一般兒廝蠢。

南仙呂入雙調步步嬌

雜感

說甚聰明成何用。倒是傷心種。牢愁問碧翁。一片青天也恁般懵懂。何處哭西風。小心窩醋味如潮湧。

〔小坡羊〕病伶俚傳休文弟兄。醉顛狂劉伶伯仲。死纏

一珍做宋版  
綿恨比江淹。淚模糊。學個唐衢。慟青眼窮。岐途何處。容算浮生受過。受過諸磨弄。冷腦冬烘。熱腸春夢。恩恩。好年華。晨雞暮鐘。空空。舊前程。飄萍斷蓬。

〔五更轉〕記韶年明珠捧。向書堆筆陣。攻韓家小鳳。小鳳懷邊寵。說甚麼。挽印提戈。趨顏拜孔。把清高兩字名兒吐。辰窗子夜子夜。喃喃誦。忙不了。漢史唐詩。魯書周頌。

〔園林好〕倦黃昏燈邊睡。蟲吸青尊。詩邊酒龍。生小閒愁浪詠。泥壘燕紙。攢蜂歌小。蚓叫秋鴻。

〔江兒水〕風月雙隄外。笙歌十里中。有孤山仙鶴梅。花隴有南朝杜宇。冬青塚。有西陵油壁香車。夢正好。把湖山受用。兀的瓦硯拋殘。禁得一番悲痛。

〔玉交枝〕珠圍翠擁。儘風流伊人不逢。相如早歲困。



臨邛苦想煞黃衣入夢誰家駿買鐵花驄。幾人癡跨  
瓊簫鳳擁銅山軒。昂鄧通問葫蘆寒酸士龍。

〔玉胞肚〕山肩雙聳。舌尖兒狂噴彩虹。把玉壺醞醪  
斟乾。把金壺墨汁磨濃。只見一天酒色醉朦朧。咄咄  
飛蟠字寫空。

〔玉山頽〕空山雪凍。怨蘭花心兒悶紅。走天涯舟載  
沙棠。守孤貞裳集芙蓉。飄然鶴控。把一卷離騷親捧。  
早是桃花三月片帆風。湘水湘山千萬重。

〔三學士〕渾不是吹簫市中。卻恁的抱璞湘中。憑將  
水驛風程苦。唱出銅琶鐵板工。酒醒夢回何處。是人  
正在大江東。

〔解三醒〕弔不盡六朝丘壘。弔不盡三楚英雄。弔不  
盡金陵脂粉繁華夢。弔不盡赤壁刀弓。弔不盡洲邊

鸚鵡才人塚。弔不盡江上琵琶故妓蹤。風波猛。早又是南來烏鵲。報道音凶。

〔川撥棹〕渾如夢。雪麻衣血淚濃。可憐人酒綠燈紅。可憐人酒綠燈紅。到頭來天邊斷鴻。寶釵兒碎玉蟲。小鸞臺鵲鏡封。

〔嘉慶子〕白衣冠長揖江上送。到做了壯士天寒易水風。重把蘭橈打動。嘆田園家業窮。嘆交遊文字窮。〔僥僥令〕仗氣腸磨鐵。剛稜骨洗銅。我是如意敲殘王處仲。難道是天公竟啞聾。

〔尾聲〕一肩擔子挑愁重。把隻手支撐不放鬆。問何日鸚哥始出籠。

南南呂懶畫眉

寫愁

生來從不會魂銷。怎莽被情絲緊縛牢。天公待我忒  
蹊蹺。做就愁圈套。把瘦骨棱棱活打熬。

〔步步嬌〕合是聰明該煩惱。恨海憑空造。把風流一  
擔挑。八字兒安排合爲情顛倒。我何處問根苗。只的  
是命宮磨蝎無人曉。

〔山坡羊〕冷冰冰性將人拗。好端端自將愁討。一年  
年越像癡魔。一天天寫個瘋顛照。神暗銷。相思禁幾  
遭。我當初早是。早是魂靈掉。不肯勾消。一場惱。懊無  
聊。濕銜香何處燒。空勞碎簧笙何處調。

〔江兒水〕白晝簾雙押。黃昏燭一條。把紙牌兒打箇  
鴛鴦笞。筆尖兒寫幅鴛鴦稿。夢魂兒化箇鴛鴦鳥。不  
許蜂囉蝶喚。怎的宵來。偏是南柯潦草。

〔玉交枝〕沒頭沒腦。這章書模糊亂寫。愁城築得似

天高打不進轟天情。酸好似醋梅澆。眼辛卻被  
蠶薑搗。要丟開心兒越撩。不丟開心兒越焦。

〔園林好〕恨知音他偏寂寥。恨閒人他偏絮叨。只算  
些兒胡鬧。波底月鏡中潮。潮沒信。月難撈。

〔僥僥令〕成團飛絮攪作陣。落花飄我宛轉車輪腸。  
寸絞好比九曲三彎仄路抄。

〔尾聲〕閒愁怎樣難離掉。除非做一個連環結子縲。  
向那沒情河丟下了。

南商調二郎神

書窗獨坐。微雨點滴。一鐙人影。四壁秋  
聲。此時萬緒千絲。割之不斷。非特難與  
人言。自亦殊難索解也。因思蘭臺才子。  
實悲秋之祖。僕何人斯。亦復爾爾。譜音

得此聊以排悶。

西風裏。這扯淡的芭蕉惹是非。作弄人兒。渾當戲。接連幾陣。卻剛剛隔著窗兒。那一箇聽他能快意。生拉。到恨愁田地。黃昏矣。猛可裏身子寒多。添上些衣。

〔集賢賓〕梧桐病信先驛遞。根根骨節支離。到此商量全沒計。一任那通身伶俐。風鈴語。把舊事叨叨提起。須不理。卻教我怎生迴避。

〔黃鶯兒〕偏不醉如泥。一更更漏鼓低。風尖鐙顛光兒細。見流螢暗飛。聽寒蟬碎啼。秋聲耳畔偏挨擠。悶難醫。怕聰明絕頂。頭一箇難題。

〔琥珀貓兒墜〕時辰十二。暮鼓又晨雞。一到秋來越慘悽。青山兩座。斂雙眉。稀奇。把愁細思量。恁樣東西。〔尾聲〕撥銅爐。熏翠被。淚眼乾枕上。敬還怕那不知。

趣的邯鄲他來纏擾你。

南仙呂入雙調步步嬌

泖湖訪舊圖

四面青山真如畫。好箇江鄉也。生綃太短些。寫出湖光欲買偏無價。何日再浮家。翦寒燈且說江南話。

〔醉扶歸〕一灣兒綠水分高下。一條兒紅橋自整斜。一天兒詩酒作生涯。一篷兒風月都瀟灑。乾坤何處有仙槎。舊遊人重把蒲帆卸。

〔皂羅袍〕最好水楊柳下。蓋三間茅屋。紫竹籬笆。沿溪雨過響漁叉。夕陽破網當門掛。遙天一抹朝霞。暮霞遙山一煞。朝鴉暮鴉。更夜深蟹火有星兒大。

〔好姊妹〕澹疏疏秋蘆著花。小烏篷半橫溪汊。船唇吹火。勺水自煎茶。鱸魚鮓。白酒提瓶沿路打。好不過

漁弟漁兄是一家。

〔尾聲〕水天一部新奇話。笑指那鳳凰山下。忘不了舊夢尋來何處也。

南北仙呂入雙角合套

葛秋生橫橋吟館圖

〔新水令〕莽天涯何處掛詩瓢。瘦書生鬢絲吟老。江湖尋舊夢。風雨感離巢。十載橫橋。今日箇纔畫出停雲稿。

〔步步嬌〕記當初載酒園亭同傾倒。問字師安道。時

業戴九橋先生因九橋亦在許氏安硯也。金蘭簿訂交。硯北花南一例兒。

排年少。顧影換青袍。翠生生都似春來草。

〔折桂令〕暢好是嫩年華過眼如潮。秋去春來。柳又千條。百忙中跳上征橈。兩處相思。紅豆燈挑。這壁廂

風塵懊惱。那壁廂書札迢遙。故人兒幾個雲霄。幾箇篷蒿。一霎時賭酒評花。倒做了雨散雲飄。

〔江水兒〕吳市空彈瑟。秦樓待引簫。念家山忽作思親操。束琴書試鼓迴波權。返鄉園好比投林鳥。一任那雪泥鴻爪。虧得杼下流黃。博得箇萱花微笑。

〔雁兒落帶得勝令〕再休提躑名場劍氣消。說甚麼困寒氈心緒稿。你看有的是痛黃爐玉樹影。有的是走京華花插帽。呀。但詩成且倚玉笙調。但酒來且索金尊倒。興來時齊向白雲嘲。悶來時共對青天嘯。花朝放明湖雙漿好。寒宵擁紅爐合座邀。

〔僥僥令〕重開新畫閣。再整舊書巢。喜叉手荷衣諸郎少。渾不是感離羣賦寂寥。

〔收江南〕呀。我也把十年前事話今朝。記風簷立雪



訂深交不多時桃花三月廣陵潮。嘆生成蕙泣蘭啼料向瀟湘走遭。向瀟湘走遭。苦煞我一燈秋雨續離騷。

〔園林好〕盼魚書長江路遙。憶朋儕離魂暗銷。依舊的南飛鵲噪。重把臂。飲醇醪。重識面。贈瓊瑤。

〔沽美酒帶太平令〕望橫河水一條。望橫河水一條。認橋邊許了卯。他是裙屐風流甲第高。沒些兒塵擾。王摩詰更相招。把悶愁懷毫端輕掃。離別恨畫裏勾銷。索舊雨題詩須早。倩新知補吟亦妙。你啊。擘名箋。烏蘭自鈔。燕名香銀爐自燒呀。這畫圖兒須索自收藏好。

〔尾聲〕從今不恨知音少。拚箇爛醉狂歌也。意氣豪。你看那一樹藤花開泛了。

南商調二郎神

謝文節公遺琴

天風大猛吹來琴聲入破。彈落的冬青花萬朵。愁宮怨羽。是當時鐵馬金戈。這瘦玉條條忠膽。做合配那麻衣淚裏。待摩挲。還只怕海潮飛濺起紅波。

〔前腔換頭〕山河君絃斷了。問誰人擔荷。把浩劫紅羊愁裏過。燕雲去後。看看沒處騰挪。聽塞鼓邊笳聲四合。冷照著僧房暗火。漫延俄。眼見得沒黃沙荆棘銅駝。

〔集賢賓〕有多少宮車細馬結隊過。他斜抱雲和似這短調淒涼。何處可算知音。只有曹娥。餘生菜果。乾守定幾時清餓。真坎坎坷。料獨自囊琴悲臥。

〔黃鶯兒〕壯志已消磨。賸枯桐三尺多。松風一曲有

人兒和痛江山奈何。戀生涯怎麼。淚珠兒齊向冰絃墮。可憐他。一聲聲應是應是。采薇歌。

〔琥珀貓兒墜〕六陵火後。餘響振蛟鼉。回首匡山日。易。燧瑤花死後。葬雲窩。搜羅。虧得剔苔封款字。無訛。〔尾聲〕奇珍未許浮塵灑。算今日人琴證果。只是落葉商聲繞指多。

小令

一半兒

青梅

海棠花發燕來初。梅子青青小似珠。與我心腸兩不殊。你知無。一半兒含酸。一半兒苦。

前腔

偶成

珍傲宋版印  
鴉雛年紀好韶華。碧玉生成是小家。挽箇青絲插朶花。髻雙丫。一半兒矜嚴。一半兒耍。

駐雲飛

沈醉

等得還家。澹月剛剛上碧紗。親手遞杯茶。軟語呼名罵。他只自眼昏花。脚蹤兒亂躑。問著些兒。半晌無回話。偏生要靠住儂身似柳斜。

懶畫眉

漪園之右爲白雲菴。中設月下老人像。杭州問婚媾者皆卜焉。籤語拉雜不倫。同人秋日偶遊。晉竹語余。須以樂府小令譜之。余唯唯。暇時挑燈填五六闋。僅記其三。附錄于此。

問郎年紀可如何。要與兒家差不多。韶華生小怕蹉跎。休較儂年大。我便蓋上鴛鴦印一顆。

前腔

張張翻到總模糊。怎的鴛鴦兩字無。原來是我筆尖塗。不上氤氳簿。你快另造姻緣一紙符。

黃鶯兒

好好繫紅絲。不須求繾綣司。婚媾真箇天公賜。寅時卯時申時酉時。把筆尖兒端寫年庚字。莫相思。明年枕上開著並頭枝。

桂枝香

連日病酒填此戒酒

劉伶不做。杜康不顧。改辭湯沐糟邱。休罷官銜麴部。再休提醉鄉。再休提醉鄉。一曲盟詞誓汝。抵死視同。

陌路自今吾醒眼看人醉。三閭楚大夫。

前腔

戒酒五日同人咸勸余飲遂復故態作  
此解嘲

釀王國號醉侯官誥投還五日封章新上一篇謝表。  
是微臣不該。是微臣不該。不合平原姓趙。麴秀才名  
出了。且今朝打箇蓮花落。鋤兒照舊挑。

駐雲飛

冬日早起

曉起開窗萬瓦濃。搯一片霜。日影銅盆晃。一箇圈兒  
亮。僵十指嫩紅薑。一般模樣。籠袖輕呵。兀自翻書強。  
知多少軟玉衾窩夢正長。

香消酒醒曲

自序

道情之唱。由來最古。其聲則飛馭天表。游覽太虛。俯視八紘。志在冲漠之上。寄傲宇宙之間。慨古感今。有樂道徜徉之情。故曰道情。其說相傳如此。乃曲體之至高至妙者也。迨今久失其傳。僅存時俗所唱之耍孩兒。清江引數曲。卑靡庸濁。全無超世出塵之響。其聲竟不可尋矣。癸亥之春。余作樂府傳聲將竣。凡諸音調。俱探本窮流。辨悉微奧。猶慨古人聲音之道。失傳者尚多。而道情之絕。爲尤可惜。尋其聲而不可得。卽今所存耍孩兒諸曲。究其端倪。推其本初。沿其流派。似北曲仙呂入雙調之遺響。乃推廣其音。令開合弛張。顯微曲折。無所不暢。聲境一開。愈轉而愈不窮。實有移情易性之妙。但徒以工尺四上爲之譜。則有

聲無辭可餉知音難以動衆且不便於傳遠因拈雜  
題數十首半爲警世之談半寫閒遊之樂總不離於  
見道者之語以聲布辭以辭發聲悉一心之神理遙  
接古人已墜之緒若古人果如此則此音自我續之  
若古人不如此則此音自我扞之無論其續與扞要  
之律呂順宮商協絲竹和可以適志可以動人卽成  
曲調之一家後世有考音者出亦不得舍此不問而  
別求所謂道情矣洄溪主人自敘



清人散曲選刊附錄目次

洄溪道情

勸孝歌

勸葬親

戒爭產

讀書樂

戒酒歌

戒賭博

時光歎

時文歎

行醫歎

邱園樂

隱居樂

泛舟樂

遊山樂

田家樂

贈陳聖泉先生

題三十三山堂圖

贈曹慈山

題席士俊小照

贈方又將

壽韓開雲九十

壽沈歸愚八十

壽何寓庸

壽沈井南

壽丁三母舅五十

壽蔣貪山五十

壽吳復一六十

六十自壽

弔何小山先生

祭潘文虎先生

哭蔣迪甫先生

祭秦味經先生

哭沈寶硯先生

哭沈果堂

弔馬秋玉

祭顧碧筠

題何師之採藥圖

哭亡三子燦

題山莊耕讀圖

以上共三十八首

清人散曲選刊附錄

泗溪道情

吳江徐大椿靈胎撰 江都任訥中敏校訂

勸孝歌

五倫中。孝最先。兩箇爹娘。又是殘年。便百順千依。也容易周旋。爲甚不好好的。隨他願。譬如你詐人的財物。到來生也要變豬變犬。你想身從何來。即使捐生報答。也只當欠債還錢。那裏能動不動向他變面。你道他作事糊塗。說話軟偏。要曉得老年人的性情。倒像了箇嬰年。定然是顛顛倒倒。倒倒顛顛。想當初你也會將哭作笑。將笑作哭。做爺娘的爲甚不把你輕拋輕賤。也只爲愛極生憐。到今朝換你箇千埋百怨。想到其間。便鐵石肝腸。怕你不心回意轉。

勸葬親

生養親。死葬親。養親不是要功勳。葬親不是爲兒孫。只爲那腐爛的尸骸入土方安分。那裏有倒做了稀奇貨物。靠他發貴。靠他救貧。聽了那看風水的胡言。說道東邊的地掘藏弗真。西邊的地做官不尊。今年衝太歲。來歲犯將軍。直守到一生半世。到底葬不成。你的雙親。這心術傳與後人。你的賢郎。極肯遵家訓。兩代棺材。一同放在破屋半間。誰把你來瞰問。東邊火起火葬你的身。西邊水發水做你的墳。那時節。仔望一品高官。十萬家私。是無是有。是假是真。何不把一塊閒田近地。早些葬了。也免得骸骨無存。何曾見看風水的盡享高官厚祿。只見他窮得來無投奔。勸世人。只須得省衣節食。早早的送你爹娘入土。這就

是造福之門。

戒爭產

戒原  
作勸

爭田地。終日誼。錦江山。不要錢。人生何苦把家園戀。  
崑崙在右邊。滄海在左邊。那其間千村萬落。奇花異  
卉。舟車士女。無萬無千。你把輕舟掛了帆。駿馬加了  
鞭。便走到五載三年。也怕你遊他不遍。何苦將這破  
屋荒田。與旁人爭長論遠。你說道傳與子孫。只怕你  
的子孫敗得來。身上無絲。手裏無錢。得了人。幾串青  
蚨。幾片銀邊。把筆來寫得根根固。固。杜杜絕絕。土無  
一寸瓦無一片。那時節你在黃泉。方曉得枉拋了十  
萬倍錦繡乾坤。又保不住一角兒土缺牆圈。

讀書樂

要爲人。須讀書。諸般樂。總不如。識得聖賢的道理。曉

得做人的規矩。看千古興亡成敗。盡如目見耳聞。考九州城郭山川。不必離家出戶。兵農醫卜。方書雜錄。載得分明。奇事閒情。小說稗官。講的有趣。讀得來滿腹文章。一身才具。收了心。省得些妄念淫思。束了身。斷絕那胡行邪路。這是讀書的樂。更說那不讀書的苦。記姓名寫不出。趙李張王。登賬目纏不清。一三四五。聽見人說故事。顛顛倒倒。記了回來。聽見人論文章。急急忙忙。跑將開去。更有那有錢的閒。不過只得非嫖卽賭。到後來敗了家私。遭了刑戮。我見他不但心情慘戚。又弄得體面全無。

戒酒歌

造酒的是魔君。把米麥高粱。爛做了。這樣醃釀。醞明明白白的人。只消得三杯落肚。眼目漸漸昏。神志漸

漸渾話不得的言談滿口難容忍自古來酒後狂言  
喪了多少英雄命也有的家私日落也有的疾病相  
循白日青天宛然做夢出言作事竟像亡魂走近來  
滿身希臭跑開去跌倒難蹲敬親朋必灌死方爲快  
爭意氣便醉殺也無論有甚冤仇這樣的懷深恨勸  
世人戒得來真豪傑熬不過也須是對花賞月養老  
留賓三杯五盞禮讓逡巡斷不可昏頭搭腦終日醉  
醺醺鈔本方爲快  
作方體二字

戒賭博

昧良心是賭錢賊算計鬼胡纏不知誰造這坑人院  
對強盜的真容幾幅把蠻牛的朽骨一拳自然也變  
了蠻牛的心肺得了強盜的淵源不論親朋骨肉心  
心要圖他財帛不論富貧良賤念念要奪彼田園誰

知你會贏他五百。他倒要輸你一千。翻來覆去。只落得幫閒的捉頭的。釐釐登串。即使淘千場。却幾局得的銀錢。斷不能享了幾世幾年。更堪憐。捉將官去。頭頸裏帶了兩具鎖。屁股上打了八根籤。爹娘氣得搥胸跌肚。妻子哭得叫地呼天。弄得來衣衫藍縷。垂頭喪氣。看看候選入卑田院。勸諸君。把你的聰明心計。急回頭也。還得重整家園。

時光歎

嘆人生。不久常。恨光陰。駿馬忙。百年幾度春風颺。才脫了兒童的形像。早做了爹娘的模樣。嘴上鬚鬚。放得幾時已經半白。鬢邊頭髮長得幾日。忽地皆蒼。多少的美貌紅顏。不多時盡變了箇奇形怪狀。過新年。菜花滿地。略轉眼。新穀登場。一日時辰。只好梳頭喫。



飯終年算計無非覓食尋糧。更有那經官犯法自尋煩惱。又有那遭喪得病天與淒涼。只得幾年精力。反拋了一半時光。往常時百算千謀滿頭汗出。忽一日三長兩短兩脚冰涼。勸世人且快活幾時。饒人一步。不要等那鐘鳴漏盡。懊悔悽惶。

時文歎

讀書中。最不齊。爛時文。爛似泥。本來原爲求賢計。誰知變了欺人技。看了半部講章。記了三十擬題。狀元塞在荷包裏。等到那歲考日。鄉試期。房行墨卷。汪汪念到三更際。也不曉得三通四史。是何等的文章。也不曉得漢祖唐宗。是那樣的皇帝。讀得來口角離奇。眼目眯萋。腳底下不曉得高低。大門外辨不出東西。更有兩箇肩頭一聳一低。直頭喫了幾服迷魂劑。又

不能穩中高魁。只落得昏沉一世。就是做得官時。把甚麼施經濟。得趣的是衙役長隨。只有百姓門精。遭晦氣。勸世人何不讀幾部有用經書。倘遇合有期。正好替朝廷出力。若遭逢不偶也。還為學校增輝。按牛雨窗消夏錄所載。與此略異。讀書人。最不濟。爛時文。爛如泥。國家本為求才計。誰知道變作了欺人計。三句承題。兩句破題。擺尾。搖頭。便是聖門高第。可知道三通四史。是何等文章。漢祖唐宗。是那朝皇帝。案頭放高頭講章。店裏買新科利器。讀得來。肩背高低。口角噓唏。甘蔗渣兒嚼了。又嚼有何滋味。辜負光陰。白官。也是百姓朝庭的晦氣。高

行醫歎

歎無聊。便學醫。唉。人命關天。此事難知。救人心。做不得謀生計。不讀方書半卷。只記藥味幾枚。無論膨脹風勞。傷寒瘧痢。一般的望聞問切。說是談非。要入世投機。只打聽近日時醫慣用的是何方何味。試一試。

偶然得效。倒覺得希奇。試得不靈。更弄得無主意。若醫死了。只說道藥不錯。病難醫。絕多少單男獨女。送多少高年父母。拆多少壯歲夫妻。不但分毫無罪。還要藥本酬儀。問你居心何忍。王法雖不及。天理實難欺。若果有救世真心。還望你讀書明理。做不來寧可改業營生。免得陰誅冥擊。

邱園樂

做閒人。身最安。無辱無榮。無惱無煩。朝來不怕晨雞喚。直睡到紅日三竿。起來時籬邊草要芟。花邊土要翻。香蔬鮮果尋常饌。只聽得流水潺潺。鳥語關關。頑兒癡女跟隨慣。綠蓑青笠隨時扮。也有幾箇好相知。常來看看。掛一幅輕帆。直到我堂灣。帶幾句沒要緊的閒談。細細板。買碎魚一碗。挑野菜幾般。煖出三壺

白酒喫到夜靜更闌。

隱居樂

時余寓野芳  
浜毛氏園旁

避卻紅塵。覓箇幽棲。繩牀鋪草。土壁塗泥。瓦盆貯酒。  
石甕藏羹。筍皮爲帽。荷葉裁衣。盛來麥飯滑。煑得菜  
根肥。想人生富貴繁華。誰能保得常相繫。就每日裏  
煑鳳烹龍。也該曉得窮滋味。莫笑我矯情飾智。做得  
希奇。我實怕周旋世故。勞心血。並非是不合時宜。滿  
肚皮。感造物無私意。一樣遣清風入戶。一樣教明月  
侵帷。興濃時鳴雞報曉。書還讀。心灰處紅日臨窗。夢  
未回。有箇頑童囑付你。牢牢記。倘有客尋踪跡。只說  
先生採藥去。去到西山西復西。

泛舟樂

駕扁舟水上飛。活神仙。不讓伊。東西來往無拘繫。琴

書寶玩憑咱寄。衣裝飲饌諸般備。到春來綠柳環隄。  
紅桃映水。錦帳千層逐處迷。到夏來萍花隨檣。荷香  
撲鼻。滿天涼雨掛虹霓。到秋來菰蒲藏鴈。蘆花映月。  
遠浦漁歌繞釣磯。到冬來千山霽雪。披裘小酌。玉樹  
瓊林兩岸垂。樓臺城郭朝朝異。名山巨壑隨時憩。更  
希奇。百里家鄉。一望雲迷。只半夜輕風。兩幅征帆。一  
枕黃梁未已。朦朧地聽說道老子歸來。似稚兒口氣。  
推篷看。已到我草堂西。

遊山樂

到山中。便是仙。萬樹松風。百道飛泉。更有那野鳥呼  
人。引我到僧房竹院。異草幽花香入骨。奇峯怪石峭  
隣天。一步一回頭。景象時時變。越走得路崎嶇。越驅  
得精神健。到了那山窮水轉。又是箇別有洞天。清風

吹我塵心斷。不知今夕是何年。遙望着牧豎樵夫。洗足清泉。與他言。竟不曉得唐宋明元。直說到日落虞淵。借宿在草閣茅軒。雨前茶澆。一椀青晶飯。擡頭看。只見藤蘿月。卻掛在萬峯尖。

田家樂

一頃良田。十畝桑園。兩隻耕牛。一對農船。柳杏桃梅。籬間岸間。雞犬豬羊。欄邊樹邊。看了蠶收。起絲綿。穿得來花樣鮮。渾身軟。過了黃梅。把青苗插遍。到得那稻花香日。又正是明月團圓。收成好滿場米穀。柴草接連天。手擁着爐。背負着暄。抱女呼男。擦背挨肩。宰一隻雞肥。捉幾箇魚鮮。白米飯如霜似雪。喫得來喜地歡天。完糧日到城中買。一面逢逢社鼓。只等賀新年。

贈陳聖泉先生

名法號聖泉貴州安平人學問氣節推重一時由翰

林出爲副使

戴德半中原。卉服芒鞋謁大賢。

少傅榕門陳公宏謀歷撫七省復駐節江

蘇因得晉謁

見蒼髯鶴鬢步出屏間。

宗相與少傅公同一年契迎留署中一

別京華四十年。誰料此地重逢見。

雍正二年余遊都門因武水許鶴湖

閣學得交於先生遂結心知

憶當時學問文章領袖鳳池園苑到

後來清節仁風流頌冀青淮甸。今日把經論事業付

與嗣賢。纔得做逍遙散仙。

令子名慶升官居給事中我曾爲娛我

衰親。譜得周樂唐詩入管絃。

先慈年高目瞽無以爲歡因將關雎鹿鳴等篇

及唐人各句按宮定譜令童吹唱以娛晚境

今遇知音慢把芳樽勸。教兒

曹唱一曲皎皎白駒篇。

先生招同許閣學枉顧涸溪草堂卽以古樂唐詩侑酒

更相期把洞府龍庭遊徧也。不枉萬水千山來路遠。

先生久聞洞庭林屋龍渚之奇相訂同游因暑雨不果

醉相看。形雖老精神健。

他年定得重相見。尚有二生未了緣。

送先生後。至來春。少傅公果復

迎先生至署。竟成讖語。

題翁霽堂三十三山堂圖

名照。江陰人。

何處卜居良。三十三山有草堂。坐個先生春風面目。白雪肝腸。萬卷藏書圍枕簟。一篷春雨載詩章。這詩章做出來曉得你揉腸刮肚。傳開去動得人眠思夢想。公卿屢聘頻移席。為督撫記。室三十年。天子曾呼懶出場。舉博辭不就。只把同學知交。後生小子箇箇相推獎。這一片度世深情。佛也甘心讓。到如今登七十。時露出孩提模樣。總是赤子天懷全未忘。有日住家鄉。只看兒童笑。婦女歌到處家家畫霽堂。

贈曹慈山

名棟。字楷。嘉善人。

萬樹梅花。一曲溪灣。遇箇篷舟坐着慈山。說道十年



契關曾款柴關。追尋到此。載酒同還。

時余從鄧尉探梅歸道遇慈山

言訪余至此遂同返半松山舍

你原是王謝諸郎。光華璀璨。到中年

竟領袖詞壇。今日更皓首窮經。探微索隱。

若著孔子逸語婚禮

通考筮法正誤等書皆補裨經典之學

教人從何處躋攀。算今朝故舊

凋零盡。新知契合難。願你乘興常來看藥欄。但你學業隨年進。我頑皮老更頑。相對何顏。莫笑我逍遙閒散。也只爲百歲光陰有限。你不要鋤熟了亡經佚史。拋荒了越水吳山。

題席士俊小照

洞庭山者士

震澤中間擺座仙。山有箇先生。鶴髮朱顏。他最愛清

幽境。棲身別有天。瀾底青桐高百尺。檐前修竹舞千

竿。掃幾握松毛。拾幾枚像斗。把嚇煞新茶慢慢煎。

洞庭

碧螺峯有茶曰碧螺春又名嚇煞人形容其味之奇妙也忽聽得兩箇黃鶯宛轉

閒關便拖條竹杖。步到湖邊。見風帆一幅。在柳烟桃浪之間。想是洄溪道者。又到東山。令童子高聲呼喚。說與來船。教道人莫往他峯去。此地清閒。昨夜窗前。新開了幾朵素心蘭。

先生善養素心蘭。

贈方又將

名麋。號西疇。揚州詩人。

一片清光。隔斷了紅塵千丈。瀟灑襟懷。清新詩句。流出真如相。先生身列商籍。儒雅超倫。正是碩果猶存。點綴這淮海。維揚更兼你忠誠孝友。培植綱常。無職無官。把民溺民飢。攬在心兒上。因此上終年碌碌。多是爲他人作嫁衣裳。如今要遁跡林泉。陶情詩酒。只怕無人肯放。還要供你在蓮臺之上。當做箇真身菩薩。朝暮一爐香。

題唐悔生寒林行嘯圖

名思揚州人。改堂先生第三子。豪邁。

工詩錄  
通武藝

天淡霜濃。葉落林空。一溪寒水滿徑枯蓬。猿梁上下，  
狼虎西東。樵夫牧豎都驚恐。他穿芒帶笠，不怕崎嶇。  
路不通。長嘯一聲，宛如鸞鳳。高出雲中。一腔浩氣凌  
霄漢。數片殘霞掛碧峯。只怕良材不許終無用。工師  
急欲求梁棟。待得花明柳媚。看雕鞍駿馬。又去踏春  
風。

五年之後果  
作令雲南

壽韓開雲先生九十

名孝基。號祖昭。長  
洲慕廬先生次子。

天與地商量。吳郡名邦。原是文章節義鄉。當須鑄箇  
人兒樣。不要全重了風流跌宕。忘卻了忠厚敦龐。想  
先公崇經復古。創一種盛世文章。從此家學相仍。世  
有宗工碩匠。先生更篤誠明允。玉質金相。略展聲華。  
已珥筆彤墀之上。只因志澹神清。胸開目曠。一身拂

袖歸林壑。子姓都敦佐廟廊。

先生入詞林未幾卽假歸

經書啓後

進禮義勗家邦。行來朗月生虛室。坐處春風布滿堂。壽躋期頤。精神彌旺。問先生何處得養生方。先生道此理極平常。不必有金丹辟穀。何須求玉液充漿。只不忘慈仁恭敬。人盡壽而康。

壽沈歸愚先生八十

名德潛字確士長洲人

遇合豈無憑。學脩行成。聖朝那肯埋明鏡。試看茂苑

一書生。說禮敦詩。久困科名。自分閉卻蓬茅。退老躬

耕。

先生年六十外纔登鄉會榜

誰知天子坐明廷。深嘆息寂寞揚

雄。今難得。那曉得。活跳一箇相如。出茂陵。一朝脫卻牛頭禪。十載虞廷侍拜賡。遂令天下耆儒宿學。箇箇私相幸。竟做了千古奇逢話柄。到得引年歸政。許返家邦。作典型。爲君恩深厚。不敢向青山攜杖。還復自

皓首窮經。

先生告歸後掌紫陽書院教。

諸生箇箇私評論。說道這

不是都門送出閒疏廣。卻是黃閣歸來老伏生。

壽何寓庸

名堂字子未長洲人。

懶極定忘機。精華老不疲。讀書不爲功名計。只咀嚼  
閒滋味。不衫不履學幾種。唐詩晉筆不慙不恥擺幾  
件。夏鼎商彝自家貪睡朝慵起。倒要拉煞隣家報曉  
雞。風骨自清奇。潛身見面稀。燈光淡沱書帷裏。欲向  
南園化蝶飛。依稀敲戶聲無力。童子披衣欲問誰。何  
須問。畢竟是陳家兄弟。踏月款柴扉。  
君寡交惟陳禾叔光岳常相往來。

壽沈井南

名□字超亭吳縣牧瀆鎮人。

自余廣道情之體。一切詩文悉以道情代之。然構此頗不易。必情境音詞處處

動人方有道氣。故非知音不作。余與井南交三十年。井南知余。余亦自以爲知井南。今井南甲子初周。以道情壽之。

四面青山。一水彎環。三椽茅屋。數畝沙田。有箇先生。

樂道其閒。他氣豪性爽。由天性。論文稽古。得師傳。井南

爲義門先生入室弟子。

向學老彌篤。敦倫貧更難。硯田糧收取。

無多石。賣文錢。討得幾何干。撫門庭孤寡。同飢同飽。

同煥同寒。只把肥甘輕煖。奉慈庭。博取歡顏。良朋相

對談。今古高呼狂笑。清夜孤眠。謀釜甑。力盡心酸。憔悴

憑誰憫。相憐獨有天。只看九旬壽母身。逾健。三載

麟兒角。嶄然定爺書。讀遍。早把門閨煥。纔得你身閒。

我與你。百花開處。常攜酒。萬柳深中。共繫船。樂境無

邊。

壽丁三母舅五十

名鐘字聲宏  
隱居吉水港

遙望見烟水和融。桑竹陰濃。樓閣當中。有箇仙翁。那  
仙翁温文雅靜。孝友謙恭。閒愁不管。樂境難窮。門前  
綠柳停輕舫。簾外閒花颺。晚風棋局常敲響。清樽也  
不空。他有箇癡甥。學道空峒。值仙翁壽筵初啓。客滿  
堂中。帶幾箇綽約仙童。唱幾曲杳渺高宮。引得那仙  
翁狂笑。兩頰都紅。

壽蔣貪山五十

名元泰  
吳縣人

一對書生。一樣聰明。一箇是玉堂金馬。

令兄時庵先生

一箇

是短笠長檠。都說道文章有命。造物無情。那知是天  
意憐君。特把清閒贈。時際清平。地據名城。石湖月朗。  
虎阜花明。携朋載酒。檀板紗籠。歌詠二唐逸韻。臨摹  
兩晉遺刑。

君詩才書  
法絕工

更生箇俊偉佳兒。頌老夫詩句

縱橫心樂身輕。不必羨風塵勞競。想當年君家兄弟，正髻齡。同我看潮海寧。我逐潮不及。倒地難撐。君家兄弟拍手笑狂生。轉眼幾時白髮將窺鏡。光陰如此迅。須得要及時尋樂。休忘了壯歲豪英。

壽吳復一表兄六十

名起元

復一自稱艸艸居士嘗與余論詞曲以琵琶爲古今第一因仿琵琶體作道情爲壽

我的姨娘是你親娘。我的親娘是你姨娘。姊妹雙雙單生着你和我兩箇兒郎。你今日六十捧瑤觴。要我一句知心話講。你從來瀟灑襟懷。不曉得慕勢趨榮。問舍求田伎倆。注幾卷僻奧經書。作幾首古淡文章。常只是少米無柴。境遇郎當。你全不露窮愁情狀。終



日笑嘻嘻只向親知索酒嘗。不論黃白燒刀。千杯百盞無推讓。憶當年外祖父母在江鄉。與你隨母拜高堂。寄讀在母舅書房。千家詩百家姓齊呼送唱。轉眼光陰俱是白頭相向。從今後願歲歲年年同你對秋月春花醉幾場。見你時如見我姨娘。轉念我親娘。

六十自壽

倏忽光陰花甲已齊。回念生平約略重提。想當年束髮從師。志薄風雷。也曾窮經辨史。也曾談玄講理。也曾嗜癖探奇。原指望少博微名。倖叨半職。此二微展布蒼生計。誰料得嚴君見背。諸弟連摧。只剩得單親獨子。形影相依。朝持兩槃辭娘出。暮倚柴門望子歸。只得譜幾調高宮細羽。聊代斑衣戲賣幾片陳皮甘草。權當負米回。待守到風木悲餘。我的年華老矣。分明

是黃梁一夢。只不曾顯榮富貴。單受盡離別悲淒。如今是秋深露冷。蟬將蛻。春老花殘。蝶倦飛。只願得天公憐我。放我在閒田地。享用些閒滋味。直閒到東溟水淺。西山石爛。南極星移。

弔何小山先生

名煌字星友義門先生弟吳縣人

凡哀死祭弔之作。自離騷四言而外。一切詩詞歌曲。無體不全。而獨無道情。自余追考其音而譜之。先生尤擊節賞歎。今先生卒矣。卽以先生之所賞者弔先生。

蕭瑟秋風。木落寒江。典型云謝。非爲私傷。想先生博雅胸腸。炯炯目光。把亡經僻史。疑文奇字。考究精詳。不論夏鼎商彝。唐碑宋畫。真與贗難逃。鑒賞普天下。

文人那一箇不問小山無恙。到今朝耆舊云亡空了。襄陽許大一座蘇州。又少箇人相撐仗。想生前也有怕他說短論長。也有怪他罵李呵張。從今後倘有那年少猖狂。銅臭鴟張。有誰人再管這精閒賬。今日裏鴉叫枯楊。月照空梁。只有半部校殘書。攤在塵筵上。如此淒涼。任你曠達襟懷。也不禁淚灑千行。況我半世相隨。一朝永訣。落落狂生。向誰人更覓知音賞。思量只得譜一首商調道情詞。代做招魂榜。望先生來格來臨。嗚呼尚饗。

祭潘文虎先生

名其炳震澤爛溪人

戊辰正月。余以樂府傳聲質之先生。先生曰。是可傳。而子所作道情有別趣。前年我七十。辭一切獻壽之言。子盍補作。

道情壽我。余應諾而鹿鹿未就。乃先生忽焉捐世。因卽以道情祭先生。以鳴感

惻。亦許劍之義也。

一片清霜凋我高桐。典型其盡。溪流不東。先生居爛溪之濱

想當年先祖壽筵中。我赤脚垂髻。向甞餽學箇參軍。弄先生說此童定不是凡庸種。誰料白髮已鬚鬆。樗

散成何用。辜負先生獎誘功。又想我先君寡合鮮同。

獨與先生情好如昆仲。先生父稼堂先生與先祖同舉博學鴻詞因此侍

先生如侍我先公。到今朝三世交情併成一慟。先生

文章行誼兩邑人宗。爲人如爲己。隆敦古道。執身如

執玉。恪守家風。只看今年整飭先賢祠址。百年存血

食。後侯齋先生祠屋久廢塌甃整理剖析青烏奧訣。千古識真龍。先生

作地理書未竟。易筮前心願俱終。便投筆返長空。憶

春宵燈下教歌童。先生開笑容。要索一首道情詞。補  
祝嘏稱觴頌。蹉跎久掛胸。誰知翻做了。輓誄哀辭用。  
欲待唱一回哭。一回寫出人琴之痛。又怕人笑我狂。  
蹤只得向靈前默誦。灑淚滿西風。

哭蔣迪甫先生

名恭斐字惟御長洲人乾隆十八年應運使之招爲

揚州梅花書院  
山長卒於書院

二十年中三哭西原

先生所居有西原草堂一哭其  
長君晦之再哭其太翁淡存先

生今哭

想人生樂少哀多念及公家倍黯然先生冲

幼岐嶷

少有神童之目

名播高軒爲才多遭忌翻令兩赴瓊

林宴

乙未得第以誣被黜後  
辛丑科進士入詞林

只是品望清隆文辭典

雅又惹人嫌怨因此閒住林泉已十年常相見不說  
閒談野語不說酒板歌筵只嘆息經學荒蕪文體卑  
靡全失了先民型典幸今年知己遠招整理維揚書

院教諸生學古通經。欲令士風不變。那知道騎鶴揚州一徑歸天。皇路庵前丹旆翩翩。共送文星入九泉。喪舟自揚歸庵受從今後寒山寺外烏啼月落。先生所居近寺更覺冷露淒風滿客船。

祭大司寇秦味經先生

名蕙田無錫人

葉落秋庭。公書適至。說道旌旆遄歸。命我在石湖相俟。先生面奏乞歸就靈胎醫治故先有書來訂誰料得玉柱摧殘。竟不及

華堂隨侍。博得箇九重震悼。四海謳思。憶當年淮海

萍逢。敘述先公世好。因而誼篤。撫篋

公祖對岩先生與先祖同舉安

博不多時。公展翅雲霄。遂做了文章領袖。禮樂宗師。

公以尚書兼樂部大臣纂修三禮平昔著述極富

惟帝曰咨。謂敬刑成德。惟

卿足恃。公一腔惻隱。全民命。十載勤勞。答主知。遂令天下稱平。羣工最志。獨念我樗材散棄。特奏彤墀。又

憐其老病乞天恩復返耘耔

二十六年上訪天下名醫於諸大臣公以靈胎

名對後以老病乞歸實出自聖恩公亦曾為代奏天庭

因此築室在白雲深處

日夕拜恩施

其地在吳山之畫眉泉祝頌聖恩並以頌公

那曉得斯民無

幸遽返天庭與世辭公是嶽瀆降神這精靈還做了

江流山峙擁護聖明時今日裏一束生芻一酒卮悲

痛不勝持也只是半為蒼生半為私公其來格來思

哭沈寶硯先生

名巖字穎谷長洲人

人生如寄七旬有八知何戀哭先生乃是為世惜賢

隆學問明經稽古正文體醇雅清淵篤行誼讓廉孝

友接朋黨溫厚恭虔師資盡宗工碩德

楊文端先生何義門先生

交遊必俊又英賢白璧黃金都不羨案頭羅列精奇

硯非清玩要比他堅貞融潤歷盡磨礱永不穿

先生酷嗜

古硯所蓄不下數十方俱精奇無比不惜重價寧忍飢以得之硯依然寶硯的人兒

已遠。他年重整姑蘇志。把斯人斯德。畢竟在耆舊傳中。傳我與先生相知四十年。輩行在師友之間。名儒宿學凋零盡。只此追隨杖履邊。真是一朝不見三秋隔。誰知十日相違已九泉。老淚潺湲痛傷心。那堪重過胥江面。除非是迂道橫塘別放船。先生所居在胥從吳江至郡必經其門故得時相過從後余築室石湖之澗石湖至郡不經胥江竟成讖語

哭沈果堂

名彤字冠雲

總角知交。歲歲摧殘。到先生更復增悲嘆。試把一生

甘苦說與旁人亦淚彈。憶當初生計維艱。行竈雖存

先生貧無竈以行竈炊爨自有行竈記

無米難成飯。賴慈親豆莢燒來

當一餐。

一日絕糧其母夫人摘羊眼豆以供晚食

遺經逸史讀到月落更

闌訪名師。

謂何義門先生

求益友。傳將名字上文壇。博學通

經動得公卿薦幾番。

少宗伯晚楓吳公以博學宏詞薦大司寇立恆阿公薦入一統



志維少宗伯望溪方公薦纂三禮

為志高年邁自問折腰難

一統志成議敘

以主簿不就

飄然便作歸與歎向寒齋經籍重翻把入身

骨節稱量辨別

先生有釋骨一卷

將周官田祿較對增刪

有周官祿田考一冊

力瘁精疲不憚只愁得無人能看他一生

憂慮只替古人擔到臨危猶把文章重整欲得留傳在世間因此枯竭心肝賤軀多過失感先生深規切諫從今後更有何人肯絮煩我便似野馬亡纏絆只恐宿草縈墳淚未乾

弔馬秋玉

名曰瑄號澗谷揚州人能文豪士

苦雨連旬傳說江淮合併流有客款柴門正值黃昏時候報道先生歸去休魄駭魂驚倍覺淒風驟這不是失了衣冠領袖恰是滅了江山文秀他慈祥誠篤寬大和平天生仁厚清文妙筆丰神氣宇絕代風流

半世精神收藏這玉軸片籤商尊周鼎依然在山館

書樓

君收藏書畫法帖爲江左第一何義門手披之書以重價購藏十歸七八

竟飄然拋

卻向何處遨遊明明是厭棄紅塵不肯共詩卷長留

憶我甲子初週乞先生一言爲壽做我作道情一首

不但意緒情綢格調宮商絲絲入扣今日入琴俱亡

這流水高山向誰同奏從今後邗江渡口多少公卿

耆舊騷人墨叟一聲聲哭過揚州

君好客樂施凡一長一藝無不周旋

懷思感德  
幾徧士林

祭顧碧筠

名捷字聲長州人

同林四鳥飲啄相招三鳥云逝哀鳴嗷嗷想當年未

識君時有何家兄弟是我舊同袍與君相遇在虹橋

碧筠爲虹橋何子懷子未兩兄妹婿因得遇於何氏四人遂爲密友

握手訂新交君賦

性端凝篤誠謹慤我天生頑魯狂放粗豪性別形殊

一冰一炭情投誼合如漆如膠從此登山必並屐渡

水每同舸到後來懷才欲試經綸手捧檄何辭道里

遙遂兩宰巖疆謳歌載道先浦城後浦城俱有慈明之頌誰知廉吏

難爲保全了數箇冤民幾致一官不保算不如拂衣

歸去還我舊書巢宰浦城時以昭雪冤民拂上臺意毅然假歸奇文祕籍

搜羅盡漢帖唐碑校勘勞家法閩儀儼如廊廟明經

勵行訓迪兒曹更睦族敦親矜孤恤寡事事把先民

傲事詳碧筠自敘中真乃是克儉克勤惟忠惟孝我與君情

比同胞更欲重結婚媿永綿世好碧筠欲與我聯姻而年無相識者余

因以幼女許其第四孫我年過古稀君還未老定能待我女子

歸親陳栗棗誰知棟折山頽音容遽杳今日裏秋景

蕭條木落天高我將這幾點傷心淚滴入婁江碧筠居婁

門之內直流到海盡天窮恨未消

清人散曲選刊 附錄 泗溪道情 七 中華書局聚

題何師之採藥圖

名垣長洲人

師之病中屬題採藥圖未卽應命而師之卒因題其遺照卽以爲弔

窮也不希奇最傷心才高藝絕偏要顛沛流離一家

寄食二千里更沒箇兒郎啼苦飢

寄居山東內家馮氏無子

詩冷

欲侵肌一枝湘管筆畫出晉唐風氣不僅向家庭討

鉢衣

謂義門先生

提藍採藥非他意只爲無糧代采薇但

我又生疑紫芝白菊種種是長生味爲甚麼迷入雲霞竟不歸親識慢悲歎人生百歲終如寄惟有清名不易只看衡山京兆一脈精英終古垂

哭亡三子爆

山河同泡影身世等浮萍方曉得蕩蕩乾坤原來是一片無情境古今來佳兒令子多少殀生短命爲父

母的敢誰怨誰爭人道你堅辭婚娶不近人情

從幼不願

有室雖性極和平惟談及姻事則必發聲徵色以拒之

誰料你先覺先知恐怕

留下寡妻弱子遺累匪輕何不連你也不來下顧更  
覺得乾乾淨淨你嗜好全無喜怒不形樸儉真誠謙  
和寧靜到臨回志氣清明總無一語眷戀叮嚀竟似  
久客思歸瀟灑登程想前春歎古樂淪亡我與你相  
參訂推究黃鐘大呂譜出關雎鹿鳴將關雎鹿鳴及唐人清平調等  
章皆循宮準律填工尺以入管絃余倚從今後再不  
聲成調燮按笛歸宮遂續千古絕響聞侵晨笛飄韻再不聽半夜讀書聲只遺下文章百  
首詩二卷傳示旁人俱淚零我熟誦老莊經難道肯  
爲你傷情滅性恨只恨又失了一箇青年道友教誰  
人伴我度殘生

題山莊耕讀圖

三代六人悉列此圖督耕課讀俗所名合家歡也

祖父兒孫聚首一堂。免不得做一首道情詞。教爾曹都來聽講。我是箇樸魯寒儒。有甚麼相依傍。除非是奮志勤脩。方能像箇人兒樣。因此口不厭粗糲。糟糠身不恥做垢衣裳。打起精神。廣求博訪。有時敦詩說禮。有時尋著採藥。有時徵宮考律。有時舞劍輪鎗。終日遑遑。總沒有一時閒蕩。嚴冬雪夜。擁被駝綿。直讀到雞聲三唱。到夏月蚊多。還要隔帳停燈。映末光。只今日日暗神衰。還不肯把筆兒輕放。難道我對爾曹說謊。今日裏置箇山莊。造座書堂。雇幾箇赤腳長鬚。種植此二米麥高粱。你若果喫飽飯。東遊西蕩。定做些敗壞身家的勾當。所其無逸。稼穡艱難。這兩句載在尚書上。怎麼不思量。斷不可矜才炫智。也不望身顯名揚。只要你謙恭忠厚。人皆敬。節儉辛勤。家自昌。才

守得這幾畝稻田數間茅舍年年歲歲徐姓完糧

洄溪道情



跋

先王父洄溪公道情一冊辭近旨遠最爲雅俗共賞其間有裨世教之言尤多蓋以元人之詞說宋儒之理遂覺體格創新情詞斐亶感人易易良有由也培不才無以推闡先人遺蘊然絃而歌之涵養性天私幸三十年來立身行己亦藉是得稍免大雅謗議焉板行旣久漫漶寢多因將原刻重付闕氏庶幾傳者益廣俾世道人心感孚日衆是則先王父之志也亦培重刻之心也道光甲申夏六月孫培謹識於奉新官廨